



Torah écrite (pentateuque) - Deutéronome

Chapter 6

- 6,1 וזאת המצוה, החקים והמשפטים, אשר צוה יהוה אלהיכם, ללמד אתכם--לעשות בארץ, אשר אתם עברים שמה לרשתה.
- 6,2 למען תירא את יהוה אלהיך, לשמר את כל-חקותיו ומצותיו אשר אנכי מצוה, אמה ובגן ובן-בגן, כל ימי חייך--ולמען, יארכו ימיך.
- 6,3 ושמעת ישראל, ושמרת לעשות, אשר ייטב לך, ואשר תרבונו מאד: כאשר דבר יהוה אלהי אבותיך, לך--ארץ זבת חלב, ודבש. {פ}
- 6,4 שמע, ישראל: יהוה אלהינו, יהוה אחד.
- 6,5 ואהבת, את יהוה אלהיך, בכל לבבך ובכל נפשך, ובכל מאדך.
- 6,6 והיו הדברים האלה, אשר אנכי מצוה היום--על לבבך.
- 6,7 ושננתם לבניך, ודברת בהם, בשבתך בביתך ובילכתך בדרך, ובשכבך ובקומך.
- 6,8 וקשרתם לאות, על ידך; והיו לטטפת, בין עיניך.
- 6,9 וכתבתם על-מזוזות ביתך, ובשעריך. {ס}
- 6,10 והיה כי יביאך יהוה אלהיך, אל הארץ אשר נשבע לאבותיך לאברהם ליצחק וליעקב--לתת לך: ערים גדולות וטבת, אשר לא-בנית.
- 6,11 ובתים מלאים כל-טוב, אשר לא-מלאת, וברת מצובים אשר לא-מצבת, כרמים וזיתים אשר לא-נטעת; ואכלת, ושבעת.
- 6,12 השמר לך, פן-תשכח את-יהוה, אשר הוציאך מארץ מצרים, מבית עבדים.
- 6,13 את-יהוה אלהיך תירא, ואתו תעבד; ובשמו, תשבע.
- 6,14 לא תלכון, אחרי אלהים אחרים--מאלהי העמים, אשר סביבותיכם.
- 6,15 כי אל קנא יהוה אלהיך, בקרבך: פן-יחרה אף-יהוה אלהיך, בך, והשמידך, מעל פני האדמה. {ס}
- 6,16 לא תנסו, את-יהוה אלהיכם, כאשר נסיתם, במסה.
- 6,17 שמור תשמרון, את-מצות יהוה אלהיכם, ועדתיו וחקיו, אשר צוה.
- 6,18 ועשית הישר והטוב, בעיני יהוה--למען, ייטב לך, ויבאת וירשת את-הארץ הטובה, אשר-נשבע יהוה לאבותיך.
- 6,19 להדף את-כל-איביך, מפניך, כאשר דבר יהוה. {ס}
- 6,20 כי-ישאלך בגן מסר, לאמר: מה העדת, והחקים והמשפטים, אשר צוה יהוה אלהינו, אתכם.
- 6,21 ואמרת לבגך, עבדים היינו לפרעה במצרים; ויציאנו יהוה ממצרים, ביד תקה.
- 6,22 ויתן יהוה אותת ומפתים גדלים ורעים במצרים, בפרעה ובכל-ביתו--לעינינו.
- 6,23 ואומנו, הוציא משם--למען, הביא אתנו, לתת לנו את-הארץ, אשר נשבע לאבותינו.
- 6,24 ויצונו יהוה, לעשות את-כל-החקים האלה, ליראה, את-יהוה אלהינו--לטוב לנו כל-הימים, לחיתנו כהיום הזה.
- 6,25 וצדקה, תהיה לנו: כי-נשמר לעשות את-כל-המצוה הזאת, לפני יהוה אלהינו--כאשר צונו. {ס}